



Pou Piblikasyon Imedya: 28/12/2023

GOUVÈNÈ KATHY HOCHUL

MEMO: GOUVÈNÈ HOCHUL RESPEKTE PWOMÈS POU KONSTWI YON NEW YORK KI PI AN SEKIRITE, PI VIVAB AN 2023

Nan dat 1 janvye 2023, Gouvènè Kathy Hochul te fè sèman kòm 57yèm Gouvènè New York, epi li te di konsènan Nouyòkè yo: "Fas a advèsite, nou toujou pèsiste, nou pèsevere, nou pote viktwa."

Ane sa a, New York te fè fas ak gwo obstak: ogmantasyon depans pou fanmi yo, yon ogmantasyon nan krim rayisman ak diskou rayisman, ak yon kantite migran ak moun k ap chèche azil ki rive. Pwoblèm sa yo, ansanm ak defi depi lontan pou ogmante rezèv lojman, elajis aksè nan gadri, ak pi ba pouvantaj krim nan nivo anvan pandemi, te fè Nouyòkè yo chèche èd nan men lidè yo.

Kòm repons, Gouvènè Hochul te kòmanse travay imedyatman, li te dirije repons solid Eta a pou chak kriz pandan li t ap defann yon ajanda lejislatif anbisye ak alontèm.

Anpil nan inisyativ Gouvènè Hochul yo deja ap pote rezulta: envestisman istorik nan sekirite publik, yon revizyon 1 milya dola sistèm swen sante mantal la, elajisman aksè nan gadri pou plizyè milye fanmi, ak lòt aksyon enpòtan ap fè gwo enpak sou lavi chak jou Nouyòkè yo.

Gen plis travay ki pou fèt, men kèlkeswa defi Eta nou an ak peyi nou an ap fè fas, Gouvènè Hochul pral kontinye dirije lè li adopte politik ki travay pou ede tout Nouyòkè yo.

KREYE YON ETA NEW YORK KI PI AN SEKIRITE AK PI JIS

- Te reponn a ogmantasyon nan krim rayisman ak diskou nan anonse plis pase 51 milyon dola nan finansman sibvansyon pou amelyore pwoteksyon ak sekirite òganizasyon ki gen risk sibi krim sa yo; ki aktive totalman Biwo DHSES pou batay kont teworis; epi lanse yon nouvo liy dirèk telefòn ak fòm sou entènèt ki pèmèt Nouyòkè yo rapòte ensidan rayisman ak patipri dirèkteman bay Eta a.
- Te fè pi gwo envestisman sekirite publik nan yon jenerasyon - 347 milyon dola (yon ogmantasyon 120 milyon dola pa rapò ak ane anvan an) nan eliminasyon vyolans ak zam, repons kominote a, ak pwogram travay pou jèn ansanm ak plis finansman pou ajans ki fè respekte lalwa yo ak sipò pou fè respekte ak envestige

Òdonans Pwoteksyon kont Risk Ekstrèm (Extreme Risk Protection Order, ERPO) yo.

- Te sipèvize yon rediksyon de chif nan ensidan fizijad ki gen blese yo ak kantite moun ki te mouri nan vvolans ak zam jiska desanm 2023, konpare ak menm peryòd la ane pase - yon diminisyon 32 poustan nan kantite moun ki mouri ak yon rediksyon 25 poustan nan ensidan fizijad ki gen blese yo.
- Te siyen Lwa sou Tab Raz la, lejislasyon istorik ki pèmèt yo sele kèk dosye kriminèl plizyè ane apre yo fin kondane yon moun oswa libere I nan prizon si moun sa pa koupab yon lòt zak kriminèl aprè.
- Sibèsekirite amelyore avèk premye estrateji nan tout eta a pou pwoteje enfrastrikti dijital New York la kont menas entènèt.

FÈ FAS A KRIZ SANTE MANTAL LA

- Te fè yon envestisman 1 milya dola, sou plizyè ane pou transfòme ak revize seri swen sante mantal Eta New York la.
- Te envesti 30 milyon dola pou elaji sèvis sante mantal yo pou jèn ki nan laj lekòl, ki genyen ladan I 20 milyon dola pou sèvis nan lekòl.
- Te òganize yon seri sesyon ekout ak yon somè prentan, te sèvi plis pase 1,000 patisipan, te vize eksploré pwoblèm ki afekte sante mantal jèn nan tout Eta New York.
- Te ouvri 26 nouvo Klinik Sètifye pou Sante Konpòtmantal Kominotè (Certified Community Behavioral Health Clinic, CCBHC) Eta a finanse nan tout eta a ki ofri sèvis imeda, sante mantal ak pwoblèm itilizasyon sibstans, kèlkeswa sitiayson asirans lan.
- Te sèvi moun ki san loje ki soufri maladi mantal nan restore 390 kabann sikuatrik, ki te reyamenaje nan pi gwo faz pandemi an, jiska dat.
- Te kreye 50 nouvo ekip kowòdinasyon swen pou Entèvansyon nan Tan Kritik (Critical Time Intervention, CTI) ki bay sèvis konplè, ki gen ladan sipò pou lojman ak travay.
- Te anonse kounye a New York gen 21 ekip Sipò pou Opsyon Sekirite (Safe Options Support, SOS) k ap dirije sansibilizasyon nan lari pou bay sèvis pou popilasyon ki pa gen kay ki gen maladi mantal ak pwoblèm itilizasyon sibstans, ki ede 230 moun fè tranzisyon nan lojman alontèm oswa pèmanan.
- Te kontinye kenbe konpayi asirans sante yo responsab nan bay plis pase 2.6 milyon dola nan penalite bay sila yo ki pa adopte estanda apwopriye rezo a pou sèvis sante konpòtmantal, ki gen ladan kouvri entèvansyon pou sove lavi ak sèvis apre egzeyat.
- Te bay 1.6 milyon dola bay uit founisè sèvis adiksyon pou etabli Inite Mobil Medikaman (Mobile Medication Unit, MMU) ki bay medikaman pou trete pwoblèm itilizasyon sibstans.
- Te mete disponib tout 192.8 milyon dola yo te bay nan premye ane akò sou règleman opyoyid la, ki sipòte yon varyete inisyativ prevansyon, tretman, rediksyon domaj, ak rekiperasyon ki ede Nouyòkè ki afekte nan kriz opyoyid ak ovèdòz la.

FÈ FAS AK ENJEKSYON MIGRAN AK MOUN K AP CHÈCHE AZIL YO

- Te pran mezi pou prepare pou moun k ap chèche azil ak migran ki te rive kòm previzyon ekspirasyon politik federal imigrasyon an epi li kontinye mennen yon repons solid nan Eta a.
- Te angaje prèske 1.9 milya dola jiska dat pou sipòte moun k ap chèche azil yo ak migran yo nan bay finansman pou lojman, transpò ak sèvis sosyal.
- Idantifye plizyè sit Eta a pou itilize kòm abri pou moun k ap chèche azil ak migran yo, tankou Sant Koreksyonèl Lincoln nan Manhattan ak Bilding 197 nan Ayewopò JFK.
- Deplwaye plis pase 2,100 pèsonèl Gad Nasyonal pou ede ak jesyon ak lojistik sou teren.
- Te mennen avèk siksè kanpay pou Mezon Blanch akòde Estati Pwoteksyon Tanporè (Temporary Protected Status, TPS) pou moun ki rive Etazini soti nan Venezyela nan dat oswa anvan 31 jiye 2023, ki bay plis pase 15,000 moun Venezyelen opòtinite pou yo jwenn estati travay legal nan 30 jou.

RANN NEW YORK PI ABÒDAB AK VIVAB

- Sekirize yon ogmantasyon istorik nan salè minimòm New York ki pral kontinye jiska 2027 lè I ap endekse a enflasyon an, pou asire sila yo ki pi frape pa kriz aksesibilite a – ki gen ladan fanm ak moun koulè – swiv rit kou lavi a.
- Te fè yon envestisman istorik pou elaji gadri ak ede fanmi New York yo nan fè 630,000 timoun ki poko gen laj kat ane vin elijib pou Kredi pou Timoun Empire State (Empire State Child Credit, ESCC), lè I sèvi avèk 500 milyon dola pou kreye yon pwogram retansyon mendèv nan eta a ki benefisyé apeprè 250,000 moun k ap bay swen, epi kreye yon pwogram pilòt 4.8 milyon dola pou gadri ke anplwayè yo sipòte ki pèmèt fanmi ki tonbe ant 85 ak 100 poustan revni mwayen eta a divize pri gadri a avèk anplwayè yo k ap patisipe ak Eta a.
- Ap bay 7.6 milya dola sou kat ane pou Pwogram Asistans Gadri a epi elaji plis elijiblite nan ogmante limit revni an nan nivo maksimòm lwa federal la pèmèt: soti nan 300 poustan nan nivo povrete federal la rive 85 poustan revni mwayen eta a – kiu ede plis pase 100,000 lòt fanmi New York.
- Te anonse ke apeprè 27,000 inite lojman te bati ak prezève kòm yon pati nan kad plan lojman transfòmatè, senk ane ak 25 milia dola administrasyon an.
- Te ogmante rezèv lojman New York apati aksyon egzekitif pou fè pwomosyon kwasans lojman, ki gen ladan yon dekrè egzekitif ki priyorize kèk pwogram finansman diskresyonè pou lokalite ki konfòm ak pwosesis sètifikasyon "Kominote pou Lojman" (Pro-Housing Community) an; yon nouvo pòtay entèraktif pou kolekte epi pataje done sou lojman ak zonaj nan nivo kominotè; ak yon pwogram ki fè avanse pwojè rezidansyèl eksipirasyon 421-A te sispann nan katye Gowanus nan Brooklyn.
- Te egzije pou tout antite nan Eta yo idantifye potansyèl pou tè Eta pa yo posede pou sipòte lojman.

- Te elaji Developman ki akse souTranspò Piblik (Transit-Oriented Development, TOD) pou ankouraje kwasans lojman bò gwo liy tren yo.
- Envesti plizyè dizèn milyon dola nan komunité nan Eta New York atravè pwogram Inisyativ Revitalizasyon Anba Lavil (Downtown Revitalization Initiative, DRI), ki te pote envertisman ti biznis, enfrastrikti transpò ak lojman abòdab nan chak rejyon.
- Akòde 100 milyon dola bay 24 komunité jiska prezan atravè NY Forward, ki travay pou akselere ak elaji revitalizasyon anba lavil New York yo.
- Siyen lejislasyon ki pwoteje konsomatè yo pou yo pa gen dét medikal ki afekte nòt kredi yo epi ki entèdi pri abizif pou medikaman yo pandan mank medikaman.

RANFÒSE AK AGRANDI SWEN SANTE REPWODIKTIF

- Ranfòse aksè a swen sante repwodiktif nan asire founisè New York yo ka preskri avòtman atravè medikaman, pèmèt famasyen yo bay kontrasepsyon san preskripsiyon, epi mande lekòl nan sistèm SUNY ak CUNY yo pou yo ofri aksè a avòtman atravè medikaman.
- Te dirije nasyon an nan asire yo ka bay swen sante repwodiktif pou pasyan yo nan eta yo kote sèvis avòtman yo entèdi oswa limite atravè sèvis telesante yo.
- Te anonse Eta a ap estoke 150,000 dòz mizopwostòl, yon pwovizyon pou senkan, pou satisfè bezwen aktyèl yo prevwa yo.
- Te envesti 100.7 milyon dola nan nouvo finansman pou founisè avòtman ak sante repwodiktif, tankou pou sibvansyon sekirite pou sant sante repwodiktif ak ranbousman Medicaid adisyonèl.

RANFÒSE ENDISTRI K AP DEVLOPE VIT YO POU KREYE TRAVAY 21YÈM SYÈK

- Kreye GO-SEMI, yon envertisman 45 milyon dola pou sipèvize envertisman istorik 100 milya dola Micron nan Eta New York pou kreye 50,000 nouvo djòb epi ranfòse inisyativ Eta a pou devlope ekosistèm fabrikasyon pis la.
- Te anonse yon patenarya transfòmatè, 10 milya dola avèk lidè endistri yo pou kreye yon sant rechèch ak developman nouvèl jenerasyon nan Albany NanoTech Complex NY CREATES - premye nan kalite li nan Amerik di Nò - sa ki fè New York se kay pou enfrastrikti R&D semi-kondiktè ki pi avanse, publik nan peyi a.
- Ogmante ekonomi vèt New York la, ki benefisyé prèske 171,000 travayè, nan entegre anplwaye konbistib fosil yo nan endistri enèji pwòp ak agrandi inisyativ developman ak fòmasyon mendèv ki priyorize pwogram pou popilasyon ki pi defavorize nan eta a.
- Sekirize yon ekspansyon istorik kredi taks pou pwodiksyon fim ak televizyon New York pou sipòte endistri fim k ap grandi nan Eta a nan ogmante limit anyèl la a 700 milyon dola.

AMELYORE TRANSPÒ PIBLIK AK REKONEKTE KOMINOTE YO

- Te fè envèstisman rekò pou sove MTA nan falèz fiskal la epi asire estabilite alontèm pou transpò publik nan ajiste taks mobilite sou salè a sou pi gwo biznis Vil New York yo epi ogmante kontribisyon Vil la.
- Te fè 35 milyon dola nan envestisman sekirite pou pwoteje pasaje yo atravè sistèm MTA a epi li te anonse gwo krim nan tren an te retounen nan nivo anvan pandemi an.
- Te anonse tren Vil New York la te etabli yon nouvo rekò pasaje nan wikenn nan pou plis pase 2.7 milyon vwayaj peye nan mwa oktòb 2023.
- Te dirije Eta a nan fè avanse yon pwogram tarif pou konjesyon ki se premye nan nasyon an ki pral bay 1 milya dola pa ane nan fon pou ede ogmante nivo sèvis fyab epi ajoute amelyorasyon pou aksesibilite nan tout sistèm MTA a.
- Te fè avanse yon plan ki se lidè nan peyi a pou korije tò pase yo nan rekonekte kominate kote otowout yo te bati pou divize katye yo ak wout yo te fèt pou separe rezidan yo ak anba lavil yo, ki gen ladan yon pwojè Vyadik I-81 2.25 milya dola nan Syracuse ak yon Pwojè Kensington 1 milya dola nan Buffalo.
- Te anonse pwogrè nan Faz 2 metwo Second Avenue, k ap pote ekite nan East Harlem – youn nan katye ki pi depann de transpò publik nan Vil New York.

KONBAT CHANJMAN KLIMATIK AK PREPARE POU KATASTWÒF ALAVNI

- Te mande ajans Eta yo pou yo kreye yon pwogram limit ak envesti pou akselere aksyon klimatik epi finanse yon avni dirab ak abòdab pou tout Nouyòkè yo.
- Te atenn yon etap enpòtan istorik nan founi avèk siksè enèji pwòp nan Long Island ki soti nan premye tibin ewolyen nan South Fork Wind Ian, premye fèm ewolyen bò kot nan nivo sèvis publik la ki kòmanse founi enèji nan Etazini.
- Te anonse premye seri fon ki disponib atravè Lwa sou Obligasyon, ki gen ladan 200 milyon dola pou enfrastrikti dlo ak 100 milyon dola pou otobis lekòl zewo emisyon.
- Te envesti 500 milyon dola pou enfrastrikti dlo pwòp
- Te kreye pwogram modènizasyon kay EmPower+ 200 milyon dola pou redwi depans enèji pou 20,000 famili Nouyòk ki gen revni ba.
- Te garanti 200 milyon dola nan soulajman pou bòdwò elektrisite ki wo pou 800,000 famili.
- Te konplete yon toune ekout 10 arè atravè Eta a, yon etap kle nan kreye yon pwosesis kolaboratif ak transparan nan livrezon fon Lwa sou Obligasyon an.
- Te anonse kreyasyon Sant Kominikasyon sou Risk Meteyo (Weather Risk Communication Center, SWRCC) Eta New York la nan University of Albany, yon kolaborasyon operasyonèl inik ant chèchè inivèsite yo ak direktè ijans eta a yo.

PRIYORIZE EDIKASYON BON KALITE POU PWOCHÈN JENERASYON AN

- Te fè yon envestisman istorik nan finansman edikasyon, ki gen ladan yon rekò 34.5 milya dola nan èd total lekòl pou ane lekòl 2024.

- Te envesti 24 milya dola pou Èd Fondasyon (Foundation Aid), pou respekte pwomès pou finanse totalman Èd Fondasyon pou premye fwa nan listwa.
- Te bay yon lòt 150 milyon dola pou elaji pwogram pre-kindègadenn bon jan kalite pou 20,000 timoun atravè New York, sa ki fè envertisman total anyèl Eta a pase a vin plis pase 1.2 milya dola.
- Te bay 134 milyon dola pou ankouraje lekòl publik ak lekòl prive pou moun ki gen revni fèb ki kalifye yo pou yo patisipe nan pwogram ki pèmèt tout elèv ki nan lekòl sa yo manje dejene ak dine san okenn frè kèlkeswa revni fanmi yo.
- Te envesti 2.4 milya dola nan nouvo finansman pou pwojè kapital SUNY ak CUNY pou amelyore enstalasyon kanpis yo epi fè envertisman estratejik pou sipòte inovasyon ak kwasans.

KREYE YON SISTÈM SWEN SANTE KI PI SOLID AK PI JIS

- Te bay yon envertisman 22 milya dola, sou plizyè ane pou sipòte sistèm swen sante Eta New York la ak yon lòt 1 milya dola pou founisè yo pou pote gwo amelyorasyon ki esansyèl.
- Te envesti 500 milyon dola pou lopital ak etablisman swen sante yo pou amelyore sistèm teknoloji pasyan yo pou asire pwoteksyon sibèsekirite yo rete solid epi done pasyan yo rete konfidansyèl.
- Te sipèvize gwo amelyorasyon nan sistèm ak sèvis lopital ansyen yo nan kominate ki gen mwens resous yo, ki gen ladann kòmansman yon ekspansyon depatman ijans pou 650 milyon dola nan Strong Memorial Hospital nan Rochester.

BATI ENDISTRI KANABIS LEGAL NAN NEW YORK

- Te etabli yon fondasyon solid pou yon ekspansyon enpòtan nan mache kanabis legal Eta a, kote New York te prevwa gen 40 dispansè operasyonèl nan fen ane a – kote se operatè endepandan ki posede pifò ki te sibi enpak enjis aksyon ranfòsman inegal nan entèdiksyon pase yo.
- Te respekte pwomès pou reprime magazen kanabis ilegal yo, kote li te fè enspekte 350 lokal jiska dat - ki te mennen nan plis pase 11,000 liv kanabis ilegal yo te sezi ki vo plis pase 54 milyon dola.
- Te pran mezi kreyatif pou asire kiltivatè yo te gen chemen pou fè pwodwi yo rive jwenn konsomatè yo lè yo kreye vitrin ki pèmèt kiltivatè yo vann pwodwi yo atravè operatè ki vann an detay ki gen lisans nan evènman "tanporè" yo, ki te mennen nan yon total 3.4 milyon dola nan revni.

YON NOUVO EPÒK POU TRIBINAL NEW YORK KI PI WO

- Te nonmen Jij Anchèf Rowan D. Wilson, ki te fè listwa kòm premye Jij Anchèf Nwa nan istwa Eta New York ak Jij Asosye Caitlin Halligan.

###

Lòt nouvèl disponib sou sit www.governor.ny.gov

Eta New York | Chanm Egzekitif | press.office@exec.ny.gov | 518.474.8418
Enskri pou w jwenn mizajou Biwo Gouvènè a: ny.gov/signup | Voye tèks NEW YORK bay 81336

[ANILE ENSKRIPSYON OU](#)